

Broj: 101-1- 1890 /25Datum: 19.5.2025

Na osnovu člana 69. stav (1) tačka b), stav (2) tačka d) i člana 70. stav 4) Zakona o javnim nabavkama („Službeni glasnik BiH“, broj: 39/14, 59/22 i 50/24), a na preporuku Komisije za javnu nabavku broj: 170-1844/25 od 16.5.2025. godine rektorica Univerziteta donosi

ODLUKU

**o poništenju postupka javne nabavke računarske opreme za
LOT 4: Nabavka računarske opreme za potrebe realizacije projekta pod nazivom
„Komparativna istraživanja uticaja ekoloških faktora i podloge na fenofaze razvoja,
prinos i kvalitetu plodova perspektivnih kultivara Prunus avium L.“**

I

Poništava se postupak javne nabavke „Nabavka računarske opreme“ za LOT 4: Nabavka računarske opreme za potrebe realizacije projekta pod nazivom „Komparativna istraživanja uticaja ekoloških faktora i podloge na fenofaze razvoja, prinos i kvalitetu plodova perspektivnih kultivara Prunus avium L.“, broj nabavke: 101-1-1445/25 od 22.4.2025. godine.

II

Ova Odluka objavljuje se na web stranici Univerziteta, www.unmo.ba istovremeno sa upućivanjem obavještenja ponuđaču koji je učestvovao u postupku javne nabavke, u skladu sa članom 70. stav 6) Zakona o javnim nabavkama („Službeni glasnik BiH“, broj: 39/14, 59/22 i 50/24).

Obrazloženje

Odlukom broj: 101-1-1445/25 od 22.4.2025. godine pokrenut je postupak javne nabavke računarske opreme za vlastite potrebe Rektorata i organizacionih jedinica, te realizacije projekata na Univerzitetu, putem otvorenog postupka. Komisija za provođenje postupka javne nabavke računarske opreme, imenovana je Odlukom broj: 101-1446/25 od 22.4.2025. godine.

U skladu sa Odlukom o pokretanju javne nabavke ukupna procijenjena vrijednost nabavke bez PDV-a iznosi 45.980,00 KM, a predmetna nabavka je podijeljena na 12 lotova.

Procijenjena vrijednost nabavke za LOT 4 iznosi: 3.250,00 KM bez PDV-a. Obavještenje o nabavci broj: 66-1-1-47-3-39/25 objavljeno je na portalu javnih nabavki dana 23.4.2025. godine zajedno sa Tenderskom dokumentacijom broj: 101-1-1447/25.

U skladu sa Tenderskom dokumentacijom i obavještenjem o nabavci dana 14.5.2025. godine sa početkom u 10:00 sati održano je javno otvaranje ponuda. U predviđenom roku za prijem ponuda (14.5.2025. godine do 9:45 sati) zaprimljena je 1 (jedna) ponuda kako slijedi:

Rb.	Broj protokola	Naziv/ime ponuđača (šifra)	Datum i sat prijema
1.	180-1756/25	NEUTRINO d.o.o. Tuzla	13.5.2025 u 8:55 sati

Ponuda ponuđača „NEUTRINO“ d.o.o. Tuzla je ocijenjena kao nepravilna, jer nije u skladu s tenderskom dokumentacijom.

Uvidom u ponudu, odnosno tehničku specifikaciju ponuđene robe, ustanovljeno je da ista ne odgovara minimalnoj tehničkoj specifikaciji, iz sljedećih razloga:

- Za stavku pod rednim brojem 3 iz Obrasca za cijenu ponude (Laptop) zahtijevana je memorija od najmanje 32 GB DDR5 RAM, dok je ponuđač ponudio proizvod od 16 GB RAM, što ne odgovara traženoj specifikaciji.

Članom 57. stav 1) Zakona o javnim nabavkama i tačkom 19. Tenderske dokumentacije u postupku, propisano je da je ponuđač dužan se pridržavati zahtjeva i uslova iz tenderske dokumentacije. U tenderskoj dokumentaciji je također navedeno da su ponuđači obavezni isporučiti robu u skladu sa tehničkom specifikacijom kako je navedeno u Aneksu 2 - Obrazac za cijenu ponude s tehničkom specifikacijom. U obrascu za cijenu ponude – Aneks 2 data je tehnička specifikacija kojom je definisan minimalan kvalitet koji Ugovorni organ zahtijeva, a ponuđena roba ponuđača „NEUTRINO“ d.o.o. Tuzla ne ispunjava tražene tehničke karakteristike.

U skladu sa članom 2. stav 1) tačka I) alineje 3 Zakona o javnim nabavkama („Službeni glasnik BiH“, broj: 39/14, 59/22 i 50/24), ponuda je ocijenjena kao nepravilna iz naprijed navedenih razloga.

Komisija za javnu nabavku jednoglasno je dala preporuku rektorici Univerziteta da se donese odluka o poništenju postupka, jer nije pristigla nijedna prihvatljiva ponuda.

U postupku donošenja Odluke posebno su cijenjene činjenice da je Komisija za javne nabavke pravilno i potpuno dala ocjenu prispjelih ponuda kao i da je ocjena ponuda izvršena u skladu sa Zakonom o javnim nabavkama, podzakonskim aktima, internim aktima i Tenderskom dokumentacijom. Na osnovu svega navedenog, odlučeno je kao u dispozitivu ove odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa najkasnije u roku od 10 (deset) dana od dana prijema ove Odluke, u pisanoj formi direktno, putem pošte ili elektronskim putem, sve u skladu sa odredbama članova 99-105. Zakona o javnim nabavkama BiH.

Dostaviti:

1. Ponuđaču „NEUTRINO“ d.o.o. Tuzla
2. Voditeljici projekta: prof. dr. Jasmini Aliman
3. Arhiva javnih nabavki
4. a/a

REKTORICA

Prof. dr. Alena Huseinbegović

